



S. Odilo Abbas. Cura defunctorum

[Köln], [1654]

S. Raymundus de Peñafort. Frequens usus Confessionis.

[urn:nbn:de:hbz:466:1-71907](#)



S.RAYMUNDUS de PEÑAFORT.

Frequens usus Confessionis.

Deus, quia B. RAYMUNDVM, Pœnitentiæ ministrum insignem elegisti, & per maris undas mirabiliter traduxisti, da nobis dignos fructus pœnitentiæ facere, & ad portum salutis æternæ pervenire.

Ora pro Confessariis,

¶

RAYMUNDVM Barcinonensem, ex nobilis familia de Peña-forti, humanioris litteratura; jurisque civilis atque canonica peritia optime instructum, ac doctoralis laurea insignem, Bononiæ reperit Episcopu suus Berengerius; ac multis cum precibus reduxit in patriam, & ut ibi Canonicus atq; Præpositus crearetur effecit. Tum caducum omnia despiciens, Ordini Prædicatorum tradidit an. 1222, æt. 45, in eoque sanctissime vixit usq; ad obitum, qui fuit 6 Januarii 1275, æt. 98. Emicuit in eo magna ergo omnes præsertim captivos caritas, ex quo dignum illum Deus habuit, qui cum Jacobo I Aragonum Rege, cui à Confessionibus erat, similiter divinitus impulso, Ordinem S. Mariæ de Mercede Redemptionis captivorum institueret, sub S. Petro Nolasco primo illius Generali, cui & Regulas scripsit à Gregorio IX probatas. Post ab eodem Romanum evocatus, factusq; Confessarius Pœnitentiarius Papæ, Decretalium volumen collegit, & biennium functus est munere Generalis Magistri: quo deposito in patriam rediit, Inquisitor Apostolicus, vita atque post mortem clarus miraculis.

Misereris omnium (Domine) & dissimilata peccata hominum propter pœnitentiā. Sap.